

Peluk Islam, dekatkan diri kepada Allah

Oleh : Marlinawaty Hussin
Foto : Ampuan Haji Mahmud Ampuan Haji Tengah

GADONG, Ahad, 21 Februari. - Seorang wanita, berbangsa Filipina, memilih agama Islam sebagai pegangan hidup dengan melafzkan dua kalimah syahadah pada Majlis Pengislaman, yang diadakan di kediaman Awang Haji Mazlan bin Haji Abdul Salim, di Rancangan Perumahan Negara Kampung Rimba, di sini.



PENGARAH Pusat Da'wah Islamiah (PDI), Awang Haji Abdul Rajid bin Haji Mohd. Salleh semasa hadir pada Majlis Pengislaman Dayang Lea Mae Siga-An Sangrones, 25 tahun, berbangsa Filipina, berlangsung di Rancangan Perumahan Negara Kampung Rimba, Gadong.

Allah Subhanahu Wata'ala dan menjadi insan yang lebih baik. Beliau yang telah berada di negara ini selama tiga tahun dan bekerja di sebuah kedai tekstil, berhasrat untuk mempelajari agama Islam dengan lebih mendalam dan meningkatkan lagi

pengetahuannya mengenai kewajipan sebagai seorang Muslim, terutama dalam menunaikan sembahyang. Mengikut statistik, seramai 436 orang memeluk Islam, di Negara Brunei Darussalam, pada tahun 2020, manakala seramai 46 orang didaftarkan memeluk agama Islam sejak awal tahun 2021.

Beri kefahaman mengenai ilmu Takhrij Al-Hadith

Siaran Akhbar dan Infografik :
Universiti Islam Sultan Sharif Ali

BANDAR SERI BEGAWAN, Sabtu, 20 Februari. - Universiti Islam Sultan Sharif Ali (UNISSA) melalui Fakulti Usuluddin dengan kerjasama Pusat Kepimpinan dan Pembelajaran Sepanjang Hayat akan menawarkan Kursus Intensif Ilmu Hadith Siri Pertama kepada pegawai-pegawai dan kakitangan kerajaan atau bukan kerajaan, para belia serta orang ramai yang berminat.

Adapun tujuan Kursus Intensif Ilmu Hadith Siri Pertama ini diadakan adalah khusus untuk memberikan kefahaman kepada orang ramai mengenai ilmu Takhrij Al-Hadith dan kepentingannya, kefahaman dalam menggunakan cara-cara teknik khusus untuk mengeluarkan Hadis melalui sumbernya yang asli serta memahami penggunaan sumber-sumber rujukan dan metodologi penulisannya.

Kursus Ilmu Hadith Siri Pertama ini juga memfokuskan kepada kaedah mengeluarkan Hadis berdasarkan perkataan-perkataan ganjil (gharib) atau lafaz penting yang terdapat dalam matan Hadis. Bengkel akan diadakan pada Sabtu, 13 Mac 2021 bertempat di Bilik Latihan L1.3, UNISSA bermula jam 8.00 pagi hingga 4.30 petang.

Orang ramai yang ingin mendaftar bagi program ini bolehlah melayari link berikut, https://bit.ly/KIHH_2021 atau dengan mengimbas Kod QR yang disediakan. Tarikh akhir pendaftaran adalah pada Sabtu, 27 Februari 2021, jam 4.30 petang.

Sebarang pertanyaan atau keterangan lanjut mengenai program ini, orang ramai bolehlah menghubungi Pusat Kepimpinan dan Pembelajaran Sepanjang Hayat, UNISSA menerusi talian +673 2462000 sambungan 204 / 202 ataupun melayari laman sesawang www.unissa.edu.bn atau menghantar e-mel ke C4L@unissa.edu.bn.



DAYANG Lea Mae Siga-An Sangrones semasa melafzkan dua kalimah syahadah dan kini dikenali dengan nama Islam beliau Dayang Nur Leani Sangrones binti Abdullah.

Penghargaan buat rakan media



NAIB Yang Dipertua II, Persekutuan Pengakap Negara Brunei Darussalam (PPNBD), Haji Awang Damit bin Haji Chuchu bergambar ramai pada Majlis Malam Penghargaan Rakan Media, di Restoran V Plaza, Kuala Belait, yang diadakan oleh Persatuan Pengakap Daerah Belait.

Berita dan Foto :
Noraisah Haji Muhammed

KUALA BELAIT, Sabtu, 20 Februari. - Media merupakan nadi utama dalam membarigakan maklumat yang terkini dan tepat serta menyampaikan informasi yang sahih mengenai pergerakan pengakap di Negara Brunei Darussalam.

Sehubungan itu, Persatuan Pengakap Daerah Belait mengadakan Majlis Malam Penghargaan Rakan Media yang berlangsung di Restoran V Plaza,

Kuala Belait, di sini.

Naib Yang Dipertua II, Persekutuan Pengakap Negara Brunei Darussalam (PPNBD), Haji Awang Damit bin Haji Chuchu hadir pada majlis tersebut dan seterusnya menyampaikan sijil-sijil penghargaan kepada rakan media, antaranya Radio Televisyen Brunei (RTB), Pelita Brunei, Brunei Press Sdn. Bhd., See Hua Daily News Brunei, Sin Chew Daily dan United Daily News.

Majlis tersebut adalah sebagai tanda menzahirkan penghargaan kepada rakan media tempatan di atas sokongan padu dan berterusan di dalam membuat liputan mengenai acara dan aktiviti pengakap.

Selain itu, ia juga bertujuan membantu menyebarkan dan mempromosikan gerakan pengakap di negara ini.

Turut hadir, Ahli-ahli Majlis Pengakap Persatuan Pengakap Daerah Belait, Ahli-ahli Majlis Pesuruhjaya Pengakap Persatuan Pengakap Daerah Belait dan para Pemimpin Pengakap.

KURSUS INTENSIF ILMU HADITH

ANJURAN
FAKULTI USULUDDIN DENGAN KERJASAMA
PUSAT KEPIMPINAN DAN PEMBELAJARAN SEPANJANG HAYAT
UNIVERSITI ISLAM SULTAN SHARIF ALI (UNISSA)

سبق سيلوم سيار
"SEMAK SEBELUM SEBAR"

SIRI 1
PENGENALAN & KAEDAH
MENGELUARKAN HADITH BERDASARKAN
PERKATAAN-PERKATAAN GANJIL (GHARIB)

Dr Hajah Lilly Suzana binti Haji Shamsu
Penolong Rektor (Hal Ehwal Pelajar & Alumni)

Dr Shayuthy bin Abdul Manas
Penolong Kanan Profesor
Fakulti Usuluddin

Untuk Mendaftar

HTTP://BIT.LY/KIHH_2021

SABTU 8.00 PG- KAMPUS BND \$100 TARIKH TUTUP PENDAFTARAN
13 MAC 2021 4.30 PTG UNISSA BAGI SETIAP PESERTA 27 FEBRUARI 2021

Untuk Maklumat Lanjut, Sila Hubungi:
Pusat Kepimpinan dan Pembelajaran Sepanjang Hayat
Universiti Islam Sultan Sharif Ali
Negara Brunei Darussalam

Tel: (673) 2462000 ext 204/202
HP: +6738224374
Email: C4L@unissa.edu.bn